

ԱՐՁԱՆԱԳՐՈՒԹՅՈՒՆ N 7
ՀՀ ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄՆԻ
ԿԱՌԱՎԱՐՄԱՆ ԽՈՐՀՐԴԻ (ԽՈՐՀՐԴԻ) ՀԵՌԱԿԱ ՔՎԵԱՐԿՈՒԹՅԱՄԲ
ԱՆՑԿԱՑՎՈՂ ԱՐՏԱՀԵՐԹ ՆԻՍՏԻ

ք.Երևան

27 դեկտեմբերի 2019թ.

ՀՀ շրջակա միջավայրի նախարար, Խորհրդի նախագահ՝ Է.Գրիգորյանի 2019 թվականի դեկտեմբերի 25-ի որոշմամբ հրավիրվել է Խորհրդի հեռակա քվեարկությամբ անցկացվող արտահերթ նիստ, որի քվեարկությունը սկսվել է 2019 թվականի դեկտեմբերի 25-ին և ավարտվել 2019 թվականի դեկտեմբերի 27-ին:

Քվեարկությանը մասնակցել են՝

- Ս. Պապիկյան ՀՀ տարածքային կառավարման և ենթակառուցվածքների նախարար
- Ա. Ասոյան ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավար
- Ա. Պողոսյան ՀՀ ֆինանսների նախարարի տեղակալ
- Ս. Գալյան ՀՀ արդարադատության նախարարի տեղակալ
- Ա. Ամիրխանյան Հայաստանի ամերիկյան համալսարան, Յակոբեան բնապահպանական կենտրոնի տնօրեն (համաձայնությամբ)
- Գ. Բալումյան Հայաստանի ազգային պոլիտեխնիկական համալսարանի ընդերքաբանության և շրջակա միջավայրի պահպանության ամբիոնի դոցենտ, տեխնիկական գիտությունների թեկնածու (համաձայնությամբ)
- Պ. Խաչատրյան Հայաստանի արդյունաբերողների և գործարարների միություն (համաձայնությամբ)

Քվեարկությանը չեն մասնակցել՝

- Է. Գրիգորյան ՀՀ շրջակա միջավայրի նախարար (խորհրդի նախագահ)
- Ա. Ավանեսյան ՀՀ Էկոնոմիկայի նախարարի տեղակալ
- Ս. Ադամյան «Բնապահպանական հասարակական միություն» հասարակական կազմակերպություն (համաձայնությամբ)

ՕՐԱԿԱՐԳ

1. Հաստատել ՀՀ բնապահպանության և ընդերքի տեսչական մարմնի որակի ապահովման վարչության գործունեության 2020 թվականի տարեկան ծրագիրը:

2. Հաստատել Խորհրդի անդամ Ալեն Ամիրխանյանի անդամակցությունը դադարեցնելու մասին դիմումը:

2019թ. դեկտեմբերի 25-ին Խորհրդի անդամների էլեկտրոնային հասցեներին ուղարկվել է ՀՀ բնապահպանության և ընդերքի տեսչական մարմնի որակի ապահովման վարչության գործունեության 2020 թվականի տարեկան ծրագիրը, ինչպես նաև Խորհրդի անդամ Ալեն Ամիրխանյանի անդամակցությունը դադարեցնելու մասին դիմումը:

Օրակարգի 1-ին հարցի վերաբերյալ մինչև 2019 թվականի դեկտեմբերի 27-ը Բնապահպանության և ընդերքի տեսչական մարմնի էլեկտրոնային հասցեին ստացվել են Խորհրդի 10 անդամներից 7-ի կողմից ուղարկված «կողմ եմ» բառերը:

ՀՀ կառավարության 2019թ. օգոստոսի 8-ի թիվ 1000-Ն որոշման 2-րդ հավելվածի 19-րդ կետի համաձայն հեռակա քվեարկությունը համարվում է կայացած:

Օրակարգի 2-րդ հարցի վերաբերյալ Խորհրդի անդամ՝ Ա.Ասոյանը տեղեկացրել է, որ նշված հարցը քվեարկության դնելու կարիք չկա: Անհրաժեշտ է, Խորհրդի անդամ Ա.Ամիրխանյանի հաստատումը, որ իր դիմումով կազմակերպությունը դադարեցնում է անդամակցությունը Խորհրդին, որից հետո Խորհուրդը որոշում կկայացնի նոր կազմակերպություն ընդգրկելու վերաբերյալ:

Խորհրդի անդամ Ա.Ամիրխանյանը հաստատեց, ՀԱՀ Յակոբեան բնապահպանական կենտրոնի մասնակցության դադարեցումը Խորհրդին:

Սույն արձանագրությանը ծանոթանալուց և համաձայնություն տալուց հետո Խորհուրդը որոշեց՝

1. հաստատել ՀՀ բնապահպանության և ընդերքի տեսչական մարմնի որակի ապահովման վարչության գործունեության 2020 թվականի տարեկան ծրագիրը՝ 7 կողմ ձայնով:

2. ՀԱՀ Յակոբեան բնապահպանական կենտրոնի մասնակցությունը կառավարման Խորհրդին դադարեցնելու մասին դիմումը ընդունել ի գիտություն:

ՀՀ շրջակա միջավայրի նախարար
(Խորհրդի նախագահ)



Էրիկ Գրիգորյան

Քարտուղար՝



Սեդրակ Ղազարյան